

GIG 62

USARROAKO ITURBURUA

BALIO INTRINTSEKOA: **2,5**

BALIAGARRITASUN-MAILA: **2,25**

KALTEBERATASUN-MAILA: **1**

GIGaren DESKRIBAPEN LABURRA

Izarraitz mendigunearen iparraldean dago Andutz mendia (02. GIGa), Itziar auzoa barrenean dugula. Mendi hori kareharri-masa urgondarrez osaturik dago, zeinak akuifero karstiko bat baitauka, mendiguneko gainerako azpiunitateetatik bereizita.

Usarroako iturburua da (125 m) haren drainatze-gune nagusia, mendiaren ekialdeko magalean kokatua. Iturburua kareharrizko amildegi baten barrenean sortzen da, kareharri horiek lutita beltz albiarrekin kontaktuan direla.

Berez, hainbat sorburu-puntuz osaturiko multzo bat da iturburu hori, eta badu haitzulo txiki bat ere, ibilgarria lehen metroetan. Haitzulo hori bera ere sorburu-puntu bat da ur-goraldietan (trop plein). Urteko batez besteko emaria 50 l/s da.

Iturburu-eremutik mendi-mazelaren barreneraino, trabertino-deposituz dago estalirik, zeinak kalcio-karbonatoz kargaturiko sorburuko urek eratuak baitira.

Interesgarria da hango urak aprobetxatzeko joan den mendean eraikitako egitura: dike handi batek ibarbide osoa ixten du iturburuen aurrean, eta handik abiatzen zen kanalizazio zaharra. Gaur egun ez da erabiltzen.

NOLA BERTARATU

Arroa auzoko biribilgunetik, GI-631 errepidea hartu behar da Zestoarako noranzkoan. 1,8 km-ra, auzo-errepide bat abiatzen da mendebalderantz. Amaieraraino joan behar da, harik eta Usarroa base-riira iritsi arte. Baserriaren gainean dago iturburua. Hara iristeko, nahikoa da hegalean gora egitea, iturburuan bertan sortzen den errekaen eskuinaldetik.

GIG HAU IKUSTEKO LEKURIK ONENA

In situ.



Usarroako koba iturburua.



UTM KOORDENATUAK (30N EREMUA):

X = 555800 / Y = 4791148 / Z = 150



Ura bideratzeko egituraren zati bat.